

Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaat

(Aningaasaqarnermut Nunamullu Namminermt Naalakkersuisoq)

Akissuteqaat

(Aningaasaqarnermut Nunamullu Namminermt Naalakkersuisoq)

Aappassaaneerneqarnera

Aningaasaqarnermut Akileraartarnermullu Ataatsimiititaliaq inatsisissatut siunnersuummut atatillugu sulisimanera pillugu Naalakkersuisut sinnerlugit qutsavigaara.

Ataatsimiititaliami amerlanerussuteqartut inatsisissatut siunnersuummut isumaqataanerat Naalakkersuisut maluginiarpaat. Ataatsimiititaliap siunnersuummik suliaqarnermini apeqqutit arlaqartut erseqqissaaffigisassat Naalakkersuisunit akineqarnissaat kissaatigisimavaa. Naalakkersuisut sinnerlugit taakku ataatsimoortillugit naatsumik ima akissuteqarfigissavakka:

Siunnersuutip pilerinarsaataata sunniutigiumaagassaa nalilersinnaajumallugu, nammineerluni nalunaarsuiffiit kingusinaartumik nassiunneqarnerinut tapiliunneqartartut amerlassusiisa allanngortarnerat Akileraartarnermut Aqutsisoqarfimmit ingerlaavartumik nakkutigineqarnissaa Naalakkersuisut isumagissavaat. Inuussutissarsiutinik ingerlataqartunik akileraarusiisarneq Naalakkersuisut, ilaatigut Kalaallit Nunaanni Sulisitsisut Peqatigiiffiat peqatigalugu ukiup tulliuuttup ingerlanerani misissoqqissaassallugu naatsorsuutigaat. Tassani pineqarput allaffissornermi maleruagassat aaqqissuunneqarnerat aammalu maleruagassat imarisaat. Tassuunakkut ilaatigut anguniarneqassaaq akileraartarnermik aaqqissuussinissaq, inuussutissarsiornerup ineriartornissaatut naatsorsuutigisanut naleqqunnerusoq. Piffissaliussat eqaannerunissaannik apeqqutit sulinissami tassani naliligassanut ilaajumaarput, aamma pisariaqanngitsumik allaffissornerujussuarmik aaqqissuussisoqannginnissaa qulakkeerniarlugu.

Pisortat aningaasaqarnerat patajaatsuutikkumallugu nutarterinissat arlaqartut Naalakkersuisut ukiuni aggersuni ingerlanniarpaat. Akiitsut amerliartuinnarnissaasa akiorniarneqarnissaat Naalakkersuisut tassunga atatillugu pisariaqarsoraat. Tamanna Savalimmiuni aaqqissuussinerut ittumik atuutilersitsinikkut pissanersoq suli aalajangerneqanngilaq. Savalimmiuni aaqqissuussinerup sunniutai Naalakkersuisut tunngaviatigut pitsaasuusoraat, aaqqissuussinerullu ilaanik nunatsinni atuinnissaq naleqqutissanersoq takujumallugu taanna ilaatigut isumassarsiorfissatut atorummallugu.

Aningaaserivinni kontut pillugit paasissutissanik akileraartarnermi oqartussaasunut nalunaaruteqartarneq pillugu maleruagassanik erseqqinnerusunik Naalakkersuisut aalajangersaasinnaa-

nerat inatsisissatut siunnersuutip matuma nalinginnaasumik periarfissiissutigaa. Kalaallit Nunaanni nalunaarsuisarneq pillugu inatsisinik allannguinnissaq matumani siunniunneqanngilaq.

Taamatut oqaaseqarlunga siunnersuutip saqqummiunneqartup pingajussaaniigassanngortinneqarnissaa Naalakkersuisut sinnerlugit inassutigaa.